

ვანის მუნიციპალიტეტის საკრებულოს ბიუროს რიგითი სხდომის

ოქმი №10

ქ.ვანი, თავისუფლების ქ. N 65

08.08.2022 წელი

ვანის მუნიციპალიტეტის საკრებულოს ბიუროს რიგით სხდომას თავმჯდომარეობდა საკრებულოს თავმჯდომარე-ალექსანდრე ლილუაშვილი.

სხდომას ესწრებოდნენ ბიუროს წევრები: ალექსანდრე ლილუაშვილი, შოთა გიორგაძე, დავით ხარძეიშვილი, გელა ღვითიძე, გელა ჩიკვაძე, ვლადიმერ ჭვალაძე, რამაზ არველაძე, კობა ტოხვაძე, გელა ვარდოსანიძე.

/დანართი: N1/

სხდომას საპატიო მიზეზის გამო არ ესწრებოდნენ: გიორგი ივანიაძე, გია მატარაძე.

სხდომას ასევე ესწრებოდა: საკრებულოს აპარატის იურიდიულ და საორგანიზაციო საკითხთა განყოფილების უფროსი-ლუიზა ჯოგლიძე.

სხდომას ასევე ესწრებოდა: საკრებულოს აპარატის იურიდიულ და საორგანიზაციო საკითხთა განყოფილების უფროსის მოადგილე იურიდიულ საკითხებში- სალომე ფახურიძე.

მოწვეული პირები:

ვანის მუნიციპალიტეტის მერიის საფინანსო-საბიუჯეტო სამსახურის უფროსი-ივანე მამფორია;
ვანის მუნიციპალიტეტის მერიის ეკონომიკის და მუნიციპალური ქონების მართვის სამსახურის უფროსი-ზვიად კაპანაძე.

ვანის მუნიციპალიტეტის მერიის ზედამხედველობის სამსახურის სპეციალისტი-გელა კაშია;

სხდომა 13:00-საათზე გახსნა საკრებულოს ბიუროს სხდომის თავმჯდომარემ ალექსანდრე ლილუაშვილმა და წარმოადგინა 2022 წლის 8 აგვისტოს საკრებულოს ბიუროს რიგითი სხდომის დღის წესრიგის პროექტი.

დღის წესრიგი

1. ვანის მუნიციპალიტეტის 2022 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2021 წლის 29 დეკემბრის N24 დადგენილებაში ცვლილების შეტანის თაობაზე.

მომხს: /ივანე მამფორია/

2. ვანის მუნიციპალიტეტის ტერიტორიაზე გარე ვაჭრობის რეგულირების წესის დამტკიცების შესახებ.

მომხს: /გელა კაშია/

3. ვანის მუნიციპალიტეტის მერისთვის ვანის მუნიციპალიტეტის საკუთრებაში არსებული მოძრავი ქონების, ერთი ერთეული „FOTON“-ის მარკის თვითმცლელი ავტომობილის, სახელმწიფო ნომრით II095FI ა(ა)იპ „ვანის კომუნალური გაერთიანება“ -სთვის (ს/კ 429649017) პირდაპირი განკარგვის წესით, სარგებლობის უფლებით, უსასყიდლოდ, თხოვნის ფორმით გადაცემაზე თანხმობის მიცემის თაობაზე.

მომხს: /ზვიადი კაპანაძე/

4. ვანის მუნიციპალიტეტის საკრებულოს წევრების, გარდა საკრებულოს პოლიტიკური თანამდებობის პირებისა, უფლებამოსილების განხორციელებასთან დაკავშირებული ხარჯების ანაზღაურების შესახებ.

მომხს: /გელა ჩიკვაძე/

5. ვანის მუნიციპალიტეტის 2022 წლის ბიუჯეტის სარეზერვო ფონდიდან გამოყოფილი და ჩარიცხული თანხების შესახებ 2022 წლის 01 ივლისის მდგომარეობით ინფორმაციის მოსმენის თაობაზე.

მომხს:/ივანე მამფორია/

6. ვანის მუნიციპალიტეტის 2022 წლის ბიუჯეტის 6 თვის შესრულების ანგარიშის მოსმენა;

მომხს:/ ივანე მამფორია/

7. ვანის მუნიციპალიტეტის საკრებულოს რიგითი სხდომის დღის წესრიგის დამტკიცების შესახებ.

მომხს: ალექსანდრე ლილუაშვილი

ბიუროს სხდომის თავმჯდომარემ ალექსანდრე ლილუაშვილმა კენჭი უყარა 2022 წლის 8 აგვისტოს საკრებულოს ბიუროს რიგითი სხდომის დღის წესრიგს.

ღია კენჭისყრის შედეგი იყო შემდეგი:

მომხრე -9

წინააღმდეგი-არცერთი.

ბიუროს წევრი

მოისმინეს: დღის წესრიგით გათვალისწინებულ პირველ საკითხთან დაკავშირებით მომხსენებელმა ივანე მამფორიამ წარმოადგინა დადგენილების პროექტი „ვანის მუნიციპალიტეტის 2022 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2021 წლის 29 დეკემბრის N24 დადგენილებაში ცვლილების შეტანის თაობაზე.

მომხსენებელმა აღნიშნა, რომ ბიუჯეტში ცვლილება განპირობებულია საქართველოს მთავრობის 2022 წლის 14 იანვრის N51 განკარგულებით, საქართველოს მთავრობის 2022 წლის 17 იანვრის N75 განკარგულებაში 2022 წლის 5 აგვისტოს N1398 განკარგულებით შეტანილი ცვლილებებით გამოყოფილი თანხებისა და 2022 წლის პროგნოზირებული დამატებული ღირებულების გადასახადის კორექტირების შედეგად მიღებული შემოსავლის ბიუჯეტში ასახვის საჭიროებით.

ცვლილებებიდან გამომდინარე, მუნიციპალიტეტის შემოსულობები განისაზღვრება 18277,0 ათასი ლარით, გადასახდელები 21255,8 ათასი ლარით, ხოლო ნაშთის ცვლილება 2978,8 ლარის რედაქციით.

„საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ“ საქართველოს მთავრობის 2022 წლის 17 იანვრის N75 განკარგულებაში 2022 წლის 5 აგვისტოს N1398 განკარგულებით შეტანილი ცვლილებების საფუძველზე ვანის მუნიციპალიტეტის 2022 წლის ბიუჯეტის გადასახდელების საბიუჯეტო პროგრამის - საგზაო ინფრასტრუქტურის განვითარების (პროგრამული კოდი 02 01) ასიგნება იზრდება 2240,9 ათასი ლარის ოდენობით.

საკუთარი სახსრებიდან გასაწევ ხარჯებში განხორციელება შემდეგი სახის ცვლილებები: კერძოდ: გარე განათების ხარჯები იზრდება 15,0 ათასი ლარით, საბავშვო ბაღების დაფინანსება 70,0 ათასი ლარით, ააიპ კომუნალური გაერთიანების დაფინანსება 30,0 ათასი ლარით, საპროექტო ზედამხედველობის მომსახურება 40,0 ათასი ლარით, საპროექტო დოკუმენტაციის შესყიდვა 20,0

ათასი ლარით, წარმომადგენლობითი და აღმასრულებელი საქმიანობის უზრუნველყოფა 40,0 ათასი ლარით.

ბიუროს წევრების მხრიდან შენიშვნები არ დაფიქსირებულა.

ბიუროს სხდომის თავმჯდომარემ ალექსანდრე ლილუაშვილმა კენჭი უყარა დღის წესრიგის პირველ საკითხს.

ღია კენჭისყრის შედეგი იყო შემდეგი:

მომხრე -9

წინააღმდეგი-არცერთი.

ბიუროს წევრი.

ბიუროს წევრებმა მიიღეს გადაწყვეტილება აღნიშნული საკითხი შეტანილი იქნას 2022 წლის 8 აგვისტოს საკრებულოს რიგითი სხდომის დღის წესრიგში.

/დანართი: N2/

მოისმინეს: დღის წესრიგით წარმოდგენილ მეორე საკითხთან დაკავშირებით, გელა კაშიამ წარმოადგინა დადგენილების პროექტი: „ვანის მუნიციპალიტეტის ტერიტორიაზე გარე ვაჭრობის რეგულირების წესის დამტკიცების შესახებ“

მომხსენებელმა აღნიშნა, რომ „დადგენილების პროექტი განხილულ იქნა საკრებულოს კომისიის და ფრაქციის სხდომებზე, სადაც გამოთქმული შენიშვნები და წინადადებები გავითვალისწინეთ და წარმოგიდგენთ აღნიშნულ პროექტს შესაბამისი ცვლილებებით.“

„ვანის მუნიციპალიტეტის ტერიტორიაზე გარე ვაჭრობის რეგულირების წესის დამტკიცების შესახებ“ არეგულირებს ვანის მუნიციპალიტეტის ტერიტორიაზე არსებულ საზოგადოებრივ სივრცეებში, ასევე ფიზიკური და იურიდიული პირის საკუთრებაში ან/და სარგებლობაში არსებულ მიწის ნაკვეთებზე ან შენობა-ნაგებობაში გარე ვაჭრობის ადგილის განსაზღვრის, გარე ვაჭრობისათვის განკუთვნილი საქონლის განთავსებისა და ტერიტორიის მოწყობის წესებს.

გარე ვაჭრობის წესების ამოცანებია: ა) მუნიციპალიტეტის განვითარების ინტერესები; ბ) მოსახლეობის სიმჭიდროვე; გ) სატრანსპორტო ნაკადის მოწესრიგება; დ) საზოგადოებრივი

სივრცეების გამტარუნარიანობა; ე) საგზაო მოძრაობის უსაფრთხოება; ვ) საგზაო მოძრაობის წესები; ზ) ეკოლოგიური მდგომარეობა; თ) საზოგადოების სხვა ინტერესები.

გარე ვაჭრობისათვის და ბაზრობებისთვის განკუთვნილი ადგილები მოეწყოს ისე, რომ აკმაყოფილებდეს ვანის მუნიციპალიტეტის იერსახის მოთხოვნებს და არ უნდა აფერხებდეს ფეხით მოსიარულეთა და ავტოსატრანსპორტო საშუალებების გადაადგილებას. გარე ვაჭრობა და ბაზრობები უნდა მოეწყოს მოქმედი სანიტარიულ-ჰიგიენური მოთხოვნებისა და უსაფრთხოების წესების დაცვით.

დადგენილების პროექტი მოიცავს აგრეთვე თუ რა სახის საქონელზეა ნებადართული გარე ვაჭრობა, გარე ვაჭრობისათვის განსაზღვრულ ადგილებს, გარე ვაჭრობისათვის განკუთვნილი დროებითი შენობა-ნაგებობის განთავსების წესს, გარე ვაჭრობის წესის დარღვევის კრიტერიუმებს.

დადგენილების შესრულებაზე კონტროლს ახორციელებს ვანის მუნიციპალიტეტის მერიის პირველადი სტრუქტურული ერთეული – ზედამხედველობის სამსახური.

წარმოდგენილი პროექტის მიმართ შენიშვნები არ გამოთქმულა.

ბიუროს სხდომის თავმჯდომარემ ალექსანდრე ლილუაშვილმა კენჭი უყარა დღის წესრიგის მეორე საკითხს.

ღია კენჭისყრის შედეგი იყო შემდეგი:

მომხრე -9

წინააღმდეგი-არცერთი.

ბიუროს წევრი.

ბიუროს წევრებმა მიიღეს გადაწყვეტილება აღნიშნული საკითხი შეტანილი 2022 წლის 8 აგვისტოს საკრებულოს რიგითი სხდომის დღის წესრიგში.

/დანართი: N3/

მოისმინეს: დღის წესრიგით წარმოდგენილ მესამე საკითხთან დაკავშირებით დღის წესრიგით წარმოდგენილ მესამე საკითხთან დაკავშირებით მომხსენებელმა-ზვიად კაპანაძემ წარმოადგინა განკარგულების პროექტი: „ვანის მუნიციპალიტეტის მერისთვის ვანის მუნიციპალიტეტის საკუთრებაში არსებული მოძრავი ქონების, ერთი ერთეული „FOTON“-ის მარკის თვითმცლელი ავტომობილის, სახელმწიფო ნომრით II095FI ა(ა)იპ „ვანის კომუნალური გაერთიანება“-სთვის (ს/კ

429649017) პირდაპირი განკარგვის წესით, სარგებლობის უფლებით, უსასყიდლოდ, თხოვების ფორმით გადაცემაზე თანხმობის მიცემის თაობაზე.

მომხსენებელმა აღნიშნა, რომ განკარგულების პროექტის მიხედვით მიეცეს თანხმობა ვანის მუნიციპალიტეტის მერს, ვანის მუნიციპალიტეტის საკუთრებაში არსებული მოძრავი ქონების, ერთი ერთეული „FOTON“-ის მარკის თვითმცლელი ავტომობილის, სახელმწიფო ნომრით II095FI ა(ა)იპ „ვანის კომუნალური გაერთიანება“-სთვის (ს/კ 429649017) პირდაპირი განკარგვის წესით, სარგებლობის უფლებით, უსასყიდლოდ, თხოვების ფორმით გადაცემაზე და ვანის მუნიციპალიტეტის მერმა (ა. გოგორიშვილმა) უზრუნველყოს აღნიშნული უძრავი ნივთის გადაცემა მოქმედი კანონმდებლობის დაცვით.

ბიუროს წევრების მხრიდან შენიშვნები არ დაფიქსირებულა.

ბიუროს სხდომის თავმჯდომარემ ალექსანდრე ლილუაშვილმა კენჭი უყარა დღის წესრიგის მესამე საკითხს.

ღია კენჭისყრის შედეგი იყო შემდეგი:

მომხრე -9

წინააღმდეგი-არცერთი.

ბიუროს წევრი.

ბიუროს წევრებმა მიიღეს გადაწყვეტილება აღნიშნული საკითხი შეტანილი იქნას 2022 წლის 8 აგვისტოს საკრებულოს რიგითი სხდომის დღის წესრიგში.

/დანართი: N4/

მოისმინეს: დღის წესრიგით წარმოდგენილ მეოთხე საკითხთან დაკავშირებით, მომხსენებელმა-გელა ჩიკვაიძემ წარმოადგინა განკარგულების პროექტი „ვანის მუნიციპალიტეტის საკრებულოს წევრების, გარდა საკრებულოს პოლიტიკური თანამდებობის პირებისა, უფლებამოსილების განხორციელებასთან დაკავშირებული ხარჯების ანაზღაურების შესახებ“.

მომხსენებელმა აღნიშნა, რომ ვანის მუნიციპალიტეტის საკრებულოს 2021 წლის 29 დეკემბრის N27 დადგენილების შესაბამისად და ვანის მუნიციპალიტეტის საკრებულოს აპარატის უფროსის 2022 წლის 3 აგვისტოს N65-65222152 მოხსენებითი ბარათის საფუძველზე, ივლისის თვეში

საკრებულოს წევრ არათანამდებობის პირებს ხარჯების ანაზღაურებისთვის ჩაერიცხით თითოეულს 675 ლარი.

წარმოდგენილი პროექტის მიმართ შენიშვნები არ გამოთქმულა.

ბიუროს სხდომის თავმჯდომარემ ალექსანდრე ლილუაშვილმა კენჭი უყარა დღის წესრიგის მეოთხე საკითხს.

ღია კენჭისყრის შედეგი იყო შემდეგი:

მომხრე -9

წინააღმდეგი-არცერთი.

ბიუროს წევრი.

ბიუროს წევრებმა მიიღეს გადაწყვეტილება აღნიშნული საკითხი შეტანილი იქნას 2022 წლის 8 აგვისტოს საკრებულოს რიგითი სხდომის დღის წესრიგში.

/დანართი: N5/

მოისმინეს: დღის წესრიგით წარმოდგენილ მეხუთე საკითხთან დაკავშირებით, მომხსენებელმა-ივანე მამფორიამ წარმოადგინა ინფორმაცია ვანის მუნიციპალიტეტის 2022 წლის ბიუჯეტის სარეზერვო ფონდიდან გამოყოფილი და ჩარიცხული თანხების შესახებ 2022 წლის 01 ივლისის მდგომარეობით.

მომხსენებელმა განმარტა, რომ ვანის მუნიციპალიტეტის ბიუჯეტით გათვალისწინებული გადასახდელების დაფინანსების მიზნით, 2022 წლის ბიუჯეტში შექმნილი სარეზერვო ფონდის განკარგვა ხორციელდება ვანის მუნიციპალიტეტის საკრებულოს დადგენილი წესისა და ვანის მუნიციპალიტეტის მერის ბრძანების საფუძველზე. სარეზერვო ფონდიდან 6 თვის განმავლობაში სხვადასხვა ღონისძიებისათვის 77,6 ათასი ლარი გამოიყო. საკასო შესრულებაც 77,6 ათას ლარს შეადგენს, საიდანაც სოციალური უზრუნველყოფის მუხლით 70,9 ათასი ლარი, ხოლო საქონელი და მომსახურების მუხლით 6,7 ათასი ლარი მიიმართა.

ბიუროს წევრებმა ცნობად მიიღეს წარმოდგენილი ანგარიში.

/დანართი: N6/

მოისმინეს: დღის წესრიგით გათვალისწინებულ მეექვსე საკითხთან დაკავშირებით მომხსენებელმა ივანე მამფორიამ კომისიის წევრებს გააცნო ვანის მუნიციპალიტეტის 2022 წლის ბიუჯეტის 6 თვის შესრულების ანგარიში.

მომხსენებელმა განმარტა, რომ „ვანის მუნიციპალიტეტის 2022 წლის ბიუჯეტი დამტკიცდა 2021 წლის 29 დეკემბერს, მუნიციპალიტეტის საკრებულოს N24 დადგენილებით. შემოსულობების მოცულობა განისაზღვრა 8750,0 ათასი ლარით, გადასახდელების მოცულობა განისაზღვრა 9300,0 ათასი ლარით, ხოლო ნაშთის ცვლილება 550,0 ათასი ლარით. პერიოდის განმავლობაში ბიუჯეტში სამჯერ იქნა შეტანილი ცვლილებები და შემოსულობები დაზუსტდა 15343,6 ათასი ლარის, გადასახდელები 18322,4 ათასი ლარის, ხოლო ნაშთის ცვლილება 2978,8 ათასი ლარის მოცულობით.

ბიუროს წევრებმა ცნობად მიიღეს წარმოდგენილი ანგარიში.

/დანართი: N7/

საკითხების ამოწურვის შემდეგ სხდომის თავმჯდომარემ ალექსანდრე ლილუაშვილმა ბიუროს წევრებს წარუდგინა დასამტკიცებლად საკრებულოს 2022 წლის 8 აგვისტოს სხდომის დღის წესრიგი.

ბიუროს წევრების მხრიდან შენიშვნები არ დაფიქსირებულა.

კენჭი უყარეს საკრებულოს სხდომის დღის წესრიგს.

ღია კენჭისყრის შედეგი იყო შემდეგი:

მომხრე -9

წინააღმდეგი-არცერთი.

ბიუროს წევრი

ბიუროს წევრებმა დაამტკიცეს 8 აგვისტოს საკრებულოს მორიგი სხდომის დღის წესრიგი.

/დანართი: N8/

საკითხების ამოწურვის შემდეგ ვანის მუნიციპალიტეტის საკრებულოს ბიუროს რიგითმა სხდომამ მუშაობა დაასრულა.

ალექსანდრე ლილუაშვილი



ვანის მუნიციპალიტეტის საკრებულოს ბიუროს სხდომის თავმჯდომარე